

## Zapisnik sa šeste sjednice Savjeta za lokalni ekonomski razvoj (SLER)

Datum i vrijeme	▪ 18. februar 2017.godine u 10:05-12:05	
Mjesto	▪ Sala Općinskog vijeća, Općina Tešanj	
Zapisničar	Hopić Dženita	
Prisutni	▪ 1. Suad Huskić, Predsjednik SLER-a	8. Senad Subašić
	▪ 2. Edin Jabandžić, Potpredsjednik SLER-a	9. Ruža Vlajković
	▪ 3. Hamzaliya Hojkurić	10. Ibrahim Krdžalić
	▪ 4. Ismar Alagić	11. Suad Roša
	▪ 5. Muharem Berberović	12. Mirsad Šaranović
	▪ 6. Mahmut Galijašević	13. Nazif Hamzić
	▪ 7. Muharem Saračević	
Odsutni	▪ 1. Venan Hadžiselimović	2. Rusmir Hrvić
Dnevni red	▪ 1. Usvajanje zapisnika sa pete sjednice SLER-a	
	▪ 2. Plan rada SLER-a za 2017.	
	▪ 3. Informacije o ulaganjima u poslovnu infrastrukturu-osvrt na 2016. i plan za 2017.	
	▪ 4. Program općinskih poticaja za 2017.god	
	▪ 5. Prijedlog novih inicijativa	

**AD1.** Predsjednik SLER-a, je otvorio VI sjednicu SLER-a i pozdravio sve prisutne, te zahvalio se na odzivu. Predsjednik je iskazao nezadovoljstvo zbog dugog razmaka između V. i VI. sjednice, te apelirao da se ubuduće sastanci češće održavaju. Predsjednik je iznio prijedlog dnevnog reda za VI sjednicu i stavio ga na diskusiju. Nije bilo rasprave u pogledu predloženog dnevnog reda, te se pristupilo glasanju i dnevni red je jednoglasno usvojen.

**Zaključak:** Dnevni red usvojen.

Presjednik se osvrnuo i ukratko prezentovao zaključke iz zapisnika sa V. sjednice i isti stavio na diskusiju. Takođe, predsjednik je posebno naglasio zaključak 4. sa V. sjednice i napomenuo da je obaveza Ismara Alagića i Muharema Berberović da pripreme što prije tematsku sjednicu vezanu za analizu usklađenosti obrazovnog sektora sa potrebama na tržištu rada. Drugih komentara na zapisnik nije bilo i isti je jednoglasno usvojen.

**Zaključak:** Zapisnik jednoglasno usvojen.


**Zaključak1:** TRA u narednih 15 dana dostaviti prvi pregled ekonomskih indikatora, te onda nastaviti kvartalno po ranijem zaključku.

**AD2.** Predsjednik je stavio na diskusiju plan rada za 2017.godinu. Za riječ se javio Ismar Alagić i objasnio razloge za navedeni plan rada i predložio članovima da daju svoje komentare za svaku od tački, kako bi se mogle uvrstiti eventualne izmjene. Muharem Berberović se javio za riječ i predložio da tematska sjednica o analizi usklađenosti obrazovnog sektora sa potrebama na tržištu rada bude održana što prije, odnosno već naredni mjesec kako bi pala u prvi kvartal tekuće godine. Usvojeno je da se ovaj prijedlog uvrsti u plan rada za 2017.godinu. Muharem Saračević je takođe naglasio da se sjednica mora održati što prije zbog plana upisa učenika u srednje škole. Predsjednik je predložio da se na tematsku sjednicu pozove što veći broj učesnika kako iz javnih institucija tako i iz privatnog sektora. Svi članovi su se složili sa prijedlozima. Predsjednik je predložio da se u plan rada za 2017.godinu uvrsti i Informacija o realizaciji strategije Općine.

Predsjednik je iskoristio priliku i upoznao sve prisutne da je novi potpredsjednik SLER-a Edin Jabandžić, s obzirom da je došlo do promjene u rukovodećoj strukturi Biznis Centra Jelah Tešanj. Edin Jabandžić se obratio i stavio na raspolaganje Biznis Centar za sve prijedloge. Obavijestio prisutne da će se 17.03.2017 održati Skupština udruženja te da je poželjno da se svi prijedlozi dostave do navedenog datuma.

**Zaključak 1.** Tematska sjednica SLER-a „Analiza usklađenosti obrazovnog sektora sa potrebama na tržištu rada“ će se održati u martu 2017.godine i na istoj će biti prezentovan i plan upisa učenika za slijedeću godinu. Za aktivnost zaduženi TRA i Muharem Saračević. Krajnji rok za održavanje sjednice je kraj marta.

## OPĆINA TEŠANJ



**Zaključak 2.** Informacije o realizaciji strategije Općine kao tačka dnevnog reda je uvrštena u drugi kvartal plana rada SLER- za 2017.godinu.

**Zaključak 3.** Usvojen izmjenjeni plan rada SLER-a za 2017.godinu.

**AD3.** Predsjednik je otvorio treću tačku dnevnog reda i prezentovao informacije o ulaganjima u poslovnu infrastrukturu u 2016.godini. Između ostalog iznijete su informacije o slijedećem:

- Okončanje izgradnje treće trake kroz industrijsku zonu Bukva (2.250 m ceste)
- Usvojen novi regulacioni plan (RP) sa proširenjem poslovne zone za novih 18 manjih parcela
- Završeno projektovanje unutrašnjih saobraćajnica- kandidovano za implementaciju u tekućoj godini
- Završeno projektovanje treće trake od kružnog toka do industrijske zone Bukva. Investicija vrijedna 1,5 mil. KM, postoji određeno pitanje, da li ulagati u treću traku ili uložiti u industrijsku zonu Glinište
- LED rasvjeta kroz industrijsku zonu Bukva ugovorena prošle godine kroz projekat prema FMRPO-a. Vrijednost projekta 186.000,00 KM i biće implementirano do polovine marta 2017.godine
- Investicije u posl. Zonu Glinište su počele i u toku je rešavanje imovinsko pravnih odnosa vezanih za trasu koja vodi do Alpine Bromy. Došlo je do određene izmjene početno planirane trase, zbog problema u imovinsko pravnim odnosima. Trasa će biti osposobljena do kraja šestog mjeseca tekuće godine, ali do tog roka neće biti asfaltirana.
- Prezentacija problematike vezane za trafo stanicu (TS) u Jelahu. Analizom utvrđeno da je potrebna TS jačine 110 kW i otkupljeno je zemljište na kojem će biti postavljena TS. Vrijednost TS je 6mil. KM. Pomoću dalekovoda bit će povezani Jelah i Tešanj sa TS te se očekuje da sa ovim rješenjem, narednih 30 godina neće biti problema u snadbijevanju el. energijom.
- Uloženo 2 mil. KM za povećanje kapaciteta TS u Bukvi
- Uloženo cca 800.000,00 KM u ind. zonu Glinište

Plan za 2017 godinu je slijedeći:

- Završetak instalacije LED rasvjete u posl. Zoni Bukva
- Izmještanje izbjegličkog naselja do proljeća 2018.godine
- Izgradnja infrastrukture za posl.zonu Vila 2
- Završetak izgradnje saobraćajnice za Glinište
- Pripreme za izgradnju TS 110kW
- Novi RP za Glinište
- Eksproprijacija zemljišta za novi put Glinište-Ciglana, ....

Ibrahim Krdžalić je postavio pitanje gdje će biti izmješteno izbjegličko naselje. Predsjednik je odgovorio da će stanovnici izbjegličkog naselja biti izmješteni na područje MZ Medakovo u jedan objekat sa stambenim jedinicama koji će biti namjenski izgrađen. Objekat će biti u vlasništvu Općine i namjenjen za socijalno zbrinjavanje.

Mahmut Galijašević se javio za riječ i izrazio zadovoljstvo prezentovanim, ali da se uzme u obzir i poslovna zona Bukva, te da se istoj da veća prednost u ulaganjima, s obzirom da sumnja da će biti velikih greenfield investicija u Glinište. Predsjednik se složio da su potrebne investicije u posl.zoni Bukva i da će se nastaviti u budućem periodu, ali da posl. zona Bukva ima ograničenje u pogledu kapaciteta slobodnih lokacija koji se procjenjuje da je još narednih 5-6 godina. Mahmut Galijašević se složio s tom konstatacijom i da će do toga doći velikim dijelom i zbog povećanja postojećih firmi.

Ibrahim Krdžalić se javio sa prijedlogom da se za ind.zonu Bukva izgradi brza cesta, koja bi pratila tok rijeke Tešanjke i bila smještena na potezu od gradske toplane do firme Nordent kako bi se ubrzao protok saobraćaja i smanjila opterećenost postojeće ceste. Predsjednik se složio sa predloženom idejom i rekao da će se ista sigurno razmotriti. Predsjednik je rekao da se mora uzeti i obzir da se deponija u Bukvi mora zatvoriti do 2027.godine i da će za to trebati oko 2.mil KM.

Suad Roša se javio za riječ i rekao da smatra da posl.zona Glinište ima veći potencijal za ulaganje od posl.zone Bukva te da će već u 2018.godini firmi Alpina Bromy biti potrebno zemljište za igradnju poslovne hale od 8000 m<sup>2</sup>. Takođe je naglasio da je potrebno da planirana trasa do Alpine Bromy bude što prije osposobljena.

Ismar Alagić se javio za riječ, zahvalio na prezentaciji i potencirao problematiku oko deponije u Bukvi, te dodao da smatra da je posl.zona Glinište prostor na kojem se treba determinisati ekonomski razvoj općine ali da se svakako



## OPĆINA TEŠANJ



treba nastaviti ulagati i u posl.zonu Bukva.

Muharem Saračević je rekao da se treba razmišljati i o trećoj industrijskoj zoni, na što je predsjednik rekao da još nema rješenja u tom pogledu i da se ispituju područja. U tom smislu predsjednik je dodao da smatra da je najbolje rješenje u slučaju poslovnih zona da se odjednom otkupi čitavo zemljište, a ne po djelovima. Ruža Vlajković je dodala da smatra da se treba kupiti zemlja od Jelaha do Tešanjke i priključiti poslovnoj zoni Ciglane, tako da bi sve to zajedno činilo jednu posl.zonu. Predsjednik je rekao da svake godine koliko se zemljišta proda investitorima, da isto toliko se i kupi novog zemljišta za ind.zone. Edin Jabandžić smatra da mora biti jasna vizija dvije poslovne zone u koje se treba što više ulagati i razvijati ih, te da je bitno otkupiti zemljišta za postojeće posl.zone.

**Zaključak 1.** Preispitati mogućnost izgradnje brze ceste uz rijeku na pravcu od gradske toplane do firme Nordent, te preispitati mogućnosti za proširenje ind.zone Bukva. Pri ispitivanju mogućnosti izgradnje brze ceste **Ibrahim Krdžalić** će pružiti svoju savjetodavnu podršku .

**Zaključak 2.** Preispitati status koridora V<sub>c</sub>, da li je došlo do promjene trase u Novom Selu i Medakovu te da li se može pokrenuti postupak planiranja Poslovne zone.

**Zaključak 3.** Dostaviti podatke od ekonomskim indikatorima za svaku poslovnu zonu do sljedećeg sastanka (broj zaposlenih, uvoz, izvoz, prihodi, itd). Za dostavljanje podataka **zadužen Ismar Alagić**.

**AD4.** Predsjednik je otvorio četvrtu tačku dnevnog reda koja se ne tiče infrastrukturnih, već projekata povezanih sa poljoprivrednim poticajima i poslovnim idejama. Predsjednik je predstavio uloženo i plan za 2017.godinu.

Ruža Vlajković je tražila objašnjenje za prvu tačku za poljoprivredne poticaje od 330.000 KM da li se tu podrazumijeva sva poljoprivreda (stočarstvo i poljoprivreda). Hamzaliya Hojkurić je objasnio da su ovi poticaji neovisni od svih ostalih projekata. Predsjednik je dodao da je cilj da se podržavaju oni poljoprivrednici koji već imaju platenike kako bi povećali svoje kapacitete.

Muharem Berberović je tražio spisak svih dosadašnjih korisnika ovih poticaja.

**Zaključak:** Usvojen izvještaj i plan poticaja za 2017.godinu i pregled dosadašnjih korisnika poljoprivrednih poticaja će se dostaviti Službi za zapošavanje Tešanj. Za dostavljanje podataka Službi za zapošavanje Tešanj **zadužen Hamzaliya Hojkurić**.

**AD5.** Predsjednik je prepustio prisutnima da predlože, ukoliko imaju još neke nove inicijative, osim prethodno navedenih u tematskim tačkama.

Dotatne inicijative nisu predložene, nakon čega je zaključena i posljednja tačka dnevnog reda.

**Zaključak:** Nove inicijative VI sjednice SLER-a se mogu sublimirati u sljedeće:

- Izgradnje brze ceste uz rijeku na pravcu od gradske toplane do firme Nordent u cilju rasterećenja postojeće ceste i zone stanovanja, unaprijeđenje teretnog saobraćaja, proširenja industrijske zone i kvalitetnijeg spajanja na kružni točak
- Uspostaviti novi pristup pri otvaranju industrijskih zona kroz kupovinu kompletnog zemljišta namjenjenog za jednu industrijsku zonu, umjesto dosadašnje parcijalne kupovine parcela.

Predsjednik se zahvalio svima za prisustvo, ponovo naglasio da će tematska sjednica biti održana u martu, da se odazove što veći broj članova SLER-a ali da se obavezno pozovu i ostali koji nisu članovi, te da se materijali za sjednicu pošalju barem 5-6 dana prije sjednice.


Sjednica završena u 12:05 h.



Predsjednik SLER-a

Mr.sci. Suad Huskić

Zapisničar:

  
Hopić Dženita